



Reisa Džemaludina Čauševića 1, 76100 Brčko distrikt BiH; Tel. Centrala: 049/217-422
Реиса Џемалудина Чаушевића 1, 76100 Брчко дистрикт БиХ; Тел. Централa: 049/217-422

Broj: 33/23-1.1

Datum 14.06.2023. godine

Mjesto, Brčko

Temeljem članka 32. Statuta Javne zdravstvene ustanove „Zdravstveni centar Brčko“, Brčko distrikta Bosne i Hercegovine, broj: 05-UO-14/13, sukladno članku 25. Zakona o javnim nabavama Bosne i Hercegovine («Službeni glasnik BiH», broj: 39/14 i 59/22), direktor Javne zdravstvene ustanove „Zdravstveni centar Brčko“ Brčko distrikta BiH, donosi:

ODLUKU

O IZMJENI ODLUKE O IZBORU NAJPOVOLJNIJEG PONUDITELJA BROJ: 33/23-1 OD 08.05.2023. GODINE

Članak 1.

Dodjeljuje se okvirni sporazum o javnoj nabavi po otvorenom postupku za nabavu sredstava za higijenu, pranje i čišćenje - lot – 2 – Ubrusi i toalet papir, najpovoljnijem ponuditelju:

1. „Inter-Com“ doo Zenica za sljedeće lotove:

LOT BROJ	IZNOS PONUDE U KM SA PDV-om (iznos na koji se zaključuje Okvirni sporazum)
2	128.185,09
UKUPNO	128.185,09

Ponuditelju „Inter-Com“ doo Zenica uvećava se iznos na lotu 2 i to sa 86.580,00 KM sa PDV-om, koliko mu je dodijeljeno Odlukom BROJ: 33/23-1 OD 08.05.2023. GODINE, na iznos od 128.185,09 KM sa PDV-om.

Ukupan iznos predmetne nabave iznosi 136.486,24 KM sa PDV-om.

Ostali elementi Odluke ostaju nepromijenjeni.

Članak 2.

Novčana sredstva za financiranje nabave iz članka 1. Osigurana su u Financijskom planu ustanove.

Članak 3.

Ova odluka stupa na snagu danom donošenja.

Obrazloženje:

Izmjena Odluke o izboru najpovoljnijeg ponuditelja BROJ: 33/23-1 OD 08.05.2023. GODINE se vrši iz sljedećih razloga:

Dana 08.05.2023. godine donijeta je Odluka o izboru najpovoljnijeg ponuđača broj 33/23-1 gdje je kao najpovoljnija ponuda za lot – 2 – Ubrusi i toalet papir nakon provedene e – aukcije izabrana ponuda ponuđača „Inter-Com“ doo Zenica. Svi ponuđači koji su sudjelovali u postupku nabave sredstava za higijenu, pranje i čišćenje su uredno obaviješteni o rezultatu postupka javne nabave i to dana 09.05.2023. godine.

Dana 22.05.2023. godine ponuđač „Inter-Com“ doo Zenica je uložio žalbu vezano za predmetni postupak nabave i to za lot – 2 – Ubrusi i toalet papir. Navedeni ponuđač je u svojoj žalbi naveo da drugorangirani ponuđač poslije e – aukcije „Bogičević Comerc“ doo Brčko nije ispunio sve zahtjeve iz tehničke specifikacije i to za stavke 4 i 5 – lot – 2 kao i da nije dostavio validan Aktuelni izvod iz sudskog registra – član 46. ZJN -točka 13. TD. – stavka 1.

Nakon uvida u žalbene navode, utvrđeno je da žalba djelimično osnovana (žalbeni navodi vezano za neispunjavanje zahtjeva iz tehničke specifikacije osnovani a navod vezano za član 46. ZJN. neosnovan) i da ponuđač „Bogičević Comerc“ doo Brčko nije prihvatljiv za lot – 2. Dana 23.05.2023. godine ugovorni organ je donio Rješenje po žalbi (rješenje po žalbi poslata zainteresiranim stranama „Inter-Com“ doo Zenica i „Bogičević Comerc“ doo Brčko dana 24.05.2023. godine) u kojem je navedeno da se žalba djelimično usvaja te da je potrebno ponovno zakazati e – aukciju za lot – 2 u kojoj će učestvovati samo prihvatljive ponude.

Nakon isteka roka za žalbu protiv Rješenja po žalbi broj 33/23-60 od 23.05.2023. godine, dana 06.06.2023. godine komisija za javne nabave se ponovno sastala radi analize nastale situacije te je istaknuto da su u postupku javne nabave sredstava za higijenu, pranje i čišćenje - lot – 2 – Ubrusi i toalet papir ukupno pristigle ukupno 4 ponude i da je prvobitnom analizom utvrđeno da su 3 ponude prihvatljive (ponuda „Divinita Company“ doo Doboj označena kao neprihvatljiva – navedeni ponuđač nije ispunio zahtjeve iz tehničke specifikacije a što je sukladno članku 49. pod d) ZJN – točka 13. Tenderske dokumentacije – Ostali uvjeti za kvalifikaciju – stavka 2.

Isto tako komisija je utvrdila da je nakon završetka e – aukcije za lot 2 kao najpovoljnija ponuda bila ponuda „Inter-Com“ doo Zenica. Nakon što svi ponuđači obaviješteni o rezultatima postupka javne nabave, ugovorni organ je zaprimio žalbu „Inter-Com“ doo Zenica. (rješavanjem žalbenih navoda utvrđeno da ponuđač „Bogičević Comerc“ doo Brčko nije prihvatljiv za lot – 2).

*Ponuđač **„Bogičević Comerc“ doo Brčko** nije prihvatljiv za **lot 2 – Ubrusi i toalet papir** iz razloga što nije ispunio zahtjeve iz tehničke specifikacije a što je sukladno **članku 49. pod d) ZJN – točka 13. Tenderske dokumentacije – Ostali uvjeti za kvalifikaciju – stavka 2** – ponuđači trebaju uz ponudu dostaviti kataloški materijal ili deklaraciju proizvođača i to samo za one stavke u specifikaciji gdje je koloni „Dostava deklaracije proizvoda DA/NE“ upisano „DA“. Iz kataloga/deklaracije moraju biti vidljivi tražene karakteristike iz tehničke specifikacije odnosno a isto tako na katalogu/deklaraciji je potrebno upisati broj lota kao i redne brojeve unutar lota iz tehničke specifikacije. Ukoliko neka od karakteristika nije sadržana u katalogu/deklaraciji, tada je ponuditelj dužan uz katalog/deklaraciju dostaviti i izjavu proizvođača iz koje se nedvosmisleno može utvrditi da ponuđena roba zadovoljava sve tražene karakterstike iz tehničke specifikacije. Katalog se dostavlja sukladno točki 26. tenderske dokumentacije (ukoliko je na stranom jeziku tada mora biti i prijevod ovlaštenog sudskog tumača) kao i sukladno **članu 2. Zakona o***

izmjenama i dopunama Zakona o javnim nabavkama (ZIDZJN.) gdje stoji da je neprihvatljiva ponuda ona ponuda čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta. Za lot 2 u tehničkoj specifikaciji je zahtijevano da se za stavke 1, 4 i 5 dostavi deklaracija proizvoda. **Za stavku 4 – lot – 2 u tehničkoj specifikaciji je zahtijevano “Toalet papir u rolni, dvoslojni, 100 % celuloza, 1 rolna sadrži 120 listića, min. težina rolne 39 grama”.** Iz dostavljene deklaracije ponuđača “Bogičević Comerc” doo Brčko za stavku 4 – lot – 2 se ne vide podatak “min.težina rolne od 39 grama”. Za stavku 5 – lot – 2 u tehničkoj specifikaciji je zahtijevano “Ubrusi za ruke, 100 % celuloza, dvoslojni, superupijajući u rolni, broj listića u rolni je 51-52 listića, minimalna težina jedne rolne je 100 g”. Iz dostavljene deklaracije ponuđača “Bogičević Comerc” doo Brčko za stavku 5 – lot – 2 se ne može za sigurnošću utvrditi da li navedeni ponuđač ispunjava zahtjev “broj listića u rolni je 51-52 listića” budući da u dostavljenom katalogu ponuđača “Bogičević Comerc” doo Brčko stoji podatak “50 listića ± 5 %”.

Nakon ponovne analize i pregleda ponuda odnosno dokumentacije u pristiglim ponudama, utvrđeno je da su za lot – 2 – Ubrusi i toalet papir prihvatljive (ponuđači dostavili traženu dokumentaciju i ispunili uvjete iz tehničke specifikacije), odnosno zadovoljavaju postavljene zahtjeve iz tenderske dokumentacije sljedeće ponude i to:

1. „Defter“ doo Sarajevo,
2. „Inter-Com“ doo Zenica

Temeljem gore navedenog Komisija je izvršila ponovno rangiranje ponuđača na sljedeći način:

LOT BROJ	IZNOS PONUDE U KM BEZ PDV-a	NAZIV PONUĐAČA
2		
	109.599,90	„Inter-Com“ doo Zenica
	111.736,90	„Defter“ doo Sarajevo

E-aukcija:

Komisija za javne nabave je nakon isteka žalbenog roka po rješenju ugovornog organa po žalbi i ponovne analize ponuda, poslala zahtjev Agenciji za javne nabavke BiH za ponovno zakazivanje e – aukcije za lot – 2 - Ubrusi i toalet papir.

Agencija za javne nabavke BiH je dana 08.06.2023. godine obavijestila ugovorni organ da je zakazala e – aukciju za lot – 2 – Ubrusi i toalet papir i to za 12.06.2023. godine u 10,00 sati u kojoj će učestvovati 2 ponude i to: ponuda „Defter“ doo Sarajevo – iznos – 111.736,90 KM bez PDV-a kao i ponuda „Inter-Com“ doo Zenica - iznos – 109.599,90 KM bez PDV-a.

Konačna rang lista, nakon provedene e-aukcije izgleda kao u Izvješću o toku i završetku e-aukcije koje je sastavni dio ovog izvješća.

Uputa o pravnom lijeku: Protiv ove Odluke može se izjaviti žalba u roku od 10 dana od dana prijema iste Uredu za razmatranje žalbi BiH putem ugovornog tijela, sukladno Zakonu o javnim nabavama („Službeni glasnik BiH“ broj 39/14 i 59/22).



Direktor JZU "Zdravstveni centar Brčko"

Brčko distrikt BiH

Emir Osmanović dipl. oec

Emir Osmanović

Dostaviti:

1. svim zainteresiranim stranama putem Službe za nabavu
2. službi za financije
3. portparolu Zdravstvenog centra
4. tehnička služba
5. u spis predmeta